





(আমীরে আহলে সুন্নাত  এর লিখিত কিতাব
“আশিকানে রাসুলের ১৩০টি ঘটনা (মসজিদ মদীনার যিয়ারত সম্বলিত)”
থেকে নেয়া বিষয়বস্তুর পঞ্চম অংশ)

হাজীদের ঘটনাবলী



শায়খে তরিকত, আমীরে আহলে সুন্নাত,
দা'ওয়াতে ইসলামীর প্রতিষ্ঠাতা হযরত আব্বাস মাওলানা আবু বিলাল
মুহাম্মদ ইলইয়াস আত্তার কাদেরী রহমী 

الْحَمْدُ لِلَّهِ رَبِّ الْعَالَمِينَ وَالصَّلَاةُ وَالسَّلَامُ عَلَى سَيِّدِ الْمُرْسَلِينَ ط
أَمَّا بَعْدُ فَأَعُوذُ بِاللَّهِ مِنَ الشَّيْطَانِ الرَّجِيمِ ط بِسْمِ اللَّهِ الرَّحْمَنِ الرَّحِيمِ ط

এই বিষয়বস্তু “আশিকানে রাসূলের ১৩০টি ঘটনা” কিতবের ৪৭-৭৪ পৃষ্ঠা থেকে নেয়া হয়েছে।

হাজীদের ঘটনাবলী

আস্তানের দেয়া

হে দয়ালু প্রতিপালক! যে কেউ পুস্তিকা “হাজীদের ঘটনাবলী” পড়ে বা শুনে নিবে, তাকে বারবার হজ্জ ও যিয়ারতে মদীনার দ্বারা সৌভাগ্যমণ্ডিত করো।
أُمِينُ يَجَاءُ النَّبِيَّ الْأَمِينِ صَلَّى اللَّهُ عَلَيْهِ وَآلِهِ وَسَلَّمَ

দরুদ শরীফের ফরীলত

নবী করীম ﷺ এর সালাম, নিজের এক গোলামের নামে

হযরত সাযিয়দুনা আবুল ফজল ইবনে যীরাফ কূমাসানী رَحْمَةُ اللَّهِ عَلَيْهِ বলেন: “আমার নিকট খোরাসান থেকে এক আশিকে রাসূল আসলো এবং বলতে লাগলো: “الْحَمْدُ لِلَّهِ آمِي مَسْجِدِي نَبِيَّ شَرِيفًا وَتَعْظِيمًا غُومًا وَادَّاهَا اللَّهُ شَرَفًا وَتَعْظِيمًا غُومًا” আমি মসজিদে নববী শরীফে ঘুমন্ত অবস্থায় ছিলাম। এমন সময় শ্রিয় নবী صَلَّى اللَّهُ عَلَيْهِ وَآلِهِ وَسَلَّمَ স্বপ্নে আমার উপর দয়া করে দীদার দিলেন। ঠোঁট মোবারক নড়ে উঠলো, রহমতের ফুল বর্ষণ হতে লাগলো এবং শব্দগুলো প্রায় এরকমই ছিলো: “যখন তুমি হামযান যাবে তখন আবুল ফজল ইবনে যীরাফকে আমার সালাম বলবে।” আমি আরম্ভ করলাম: “إِيَّا رَاسُالِئِلاهُ صَلَّى اللَّهُ عَلَيْهِ وَآلِهِ وَسَلَّمَ! তাঁর উপর এরূপ দয়া করার কারণ কি?” হযুর صَلَّى اللَّهُ عَلَيْهِ وَآلِهِ وَسَلَّمَ ইরশাদ করলেন: “সে আমার উপর দৈনিক একশতবার দরুদ শরীফ পাঠ করে।” সাযিয়দুনা আবুল ফজল رَحْمَةُ اللَّهِ عَلَيْهِ বলেন: “অতঃপর সেই খোরাসানী ব্যক্তিটিও আমাকে বলতে লাগলেন: “আমাকেও সেই দরুদ শরীফটি শিখিয়ে দিন (যা আপনি পাঠ করে থাকেন)।” তখন আমি তাকে বললাম: “আমি প্রতিদিন ১০০ বার কিংবা তারও অধিক এই দরুদ শরীফটিই পাঠ করে থাকি:

اللَّهُمَّ صَلِّ عَلَى مُحَمَّدٍ النَّبِيِّ الْأُمِّيِّ وَعَلَى آلِ مُحَمَّدٍ جَزَى اللَّهُ مُحَمَّدًا عَنَّا مَا هُوَ أَهْلُهُ

সেই আশিকে রাসূলটি এই দরুদ শরীফ আমার কাছ থেকে শিখে নিলো আর শপথ করে বলতে লাগলো: “আমি আপনাকে চিনতামও না, আপনার নামও কখনো শুনিনি। আপনার ব্যাপারে আমাকে স্বয়ং হুযুর নবীয়ে পাক صَلَّى اللَّهُ عَلَيْهِ وَآلِهِ وَسَلَّمَ ই বলেছেন।” হযরত সায়্যিদুনা আবুল ফজল ইবনে যীরাফ رَحْمَةُ اللَّهِ عَلَيْهِ বলেন: “আমি সেই সৌভাগ্যবান আশিকে রাসূলটিকে কিছু উপহার দিলাম যেন তার কাছ থেকে প্রিয় নবী صَلَّى اللَّهُ عَلَيْهِ وَآلِهِ وَسَلَّمَ সম্পর্কে আরো কিছু শুনতে পাই। কিন্তু তিনি তা গ্রহণ করতে অস্বীকৃতি জানিয়ে বললেন: “আমি নবীকুল সর্দার صَلَّى اللَّهُ عَلَيْهِ وَآلِهِ وَسَلَّمَ এর মোবারক বার্তা পৌঁছানোর পরিবর্তে দুনিয়াবী কোন প্রতিদান চাই না।” এরপর সেই আশিকে রাসূলটিকে আমি দ্বিতীয় বার কখনো দেখিনি।” (তারিখুল ইসলাম লিখ যাহাবী, ৩২তম খন্ড, ৬৩ পৃষ্ঠা)

(৫২) মরহম আব্বাজানের প্রতি জঙ্গলে মহান দয়া প্রদর্শন

হযরত সায়্যিদুনা সুফিয়ান ছাওরী رَحْمَةُ اللَّهِ عَلَيْهِ বলেন: “আমি তাওয়াফ করার সময় এক আশিকে রাসূলকে প্রতি কদমে রহমতে আলম, নূরে মুজাস্‌সাম, রাসূলে আকরাম صَلَّى اللَّهُ عَلَيْهِ وَآلِهِ وَسَلَّمَ এর উপর দরুদ শরীফ পাঠ করতে দেখে জিজ্ঞাসা করলাম: “ভাই! আপনি ‘سُبْحَانَ اللَّهِ’ ‘رَبِّهِ الْأَعْلَى’ ইত্যাদি পাঠ না করে শুধু দরুদ শরীফই পাঠ করছেন, এর রহস্য কী?” তখন তিনি আমার নাম জিজ্ঞাসা করলেন। অতঃপর বললেন: “আমি আমার পিতার সাথে বাইতুল্লাহর হজ্জ করতে বের হলাম। সফরাবস্থায় আমার বৃদ্ধ পিতা খুবই অসুস্থ হয়ে পড়েন। আমরা একটি জায়গায় থেমে গেলাম। অনেক চিকিৎসা করলাম, কিন্তু আল্লাহ পাকের হুকুমে তিনি ইন্তেকাল করলেন। দেখতে দেখতে তার চেহারা কালো হয়ে গেলো এবং চোখগুলো বঁকে গেলো আর পেটও ফুলে গেলো। এ অবস্থা দেখে আমি ভয় পেয়ে গেলাম এবং

কাঁদতে কাঁদতে “إِنَّا لِلَّهِ وَإِنَّا إِلَيْهِ رَاجِعُونَ ﴿١٥٦﴾” পাঠ করলাম। আমি মরহুমের চেহারা চাদর দিয়ে ঢেকে দিলাম। এমন দুঃখের সময়ও আমার ঘুম এসে গেলো। আমি স্বপ্নে খুবই পরিষ্কার-পরিচ্ছন্ন পোশাক পরিহিত সৌন্দর্যের প্রতিচ্ছবি সুবাসিত এক বুয়ুর্গ ব্যক্তির যিয়ারত করলাম, এমন সৌন্দর্যমন্ডিত ব্যক্তিত্ব আমার চোখ কখনো দেখিনি আর এমন সুগন্ধও আমি আর কখনো পাইনি। তিনি আমার মরহুম আব্বাজানের নিকট এলেন, চাদর উঠিয়ে তার নূরানী হাতটি চেহায়ায় বুলালেন। দেখতে দেখতেই মরহুমের চেহারার কালো রঙ পরিবর্তন হয়ে নূরানী হয়ে গেলো, চোখ আর পেটও ঠিক হয়ে গেলো। সেই নূরানী বুয়ুর্গটি যখন চলে যাচ্ছিলেন, তখন আমি তাঁর আঁচল আঁকড়ে ধরে আরয করলাম: “আপনি কে? যার কারণে এই বিরাণ ভূমিতে আল্লাহ পাক আমার আব্বাজানের প্রতি দয়া করলেন।” তিনি ইরশাদ করলেন: “তুমি আমাকে চেননি? আমি হলাম; তোমাদের নবী, ছাহিবে কুরআন, মুহাম্মদ বিন আব্দুল্লাহ (صَلَّى اللهُ عَلَيْهِ وَآلِهِ وَسَلَّمَ)। তোমার পিতা গুনাহগার ছিলো, কিন্তু আমার উপর অধিক হারে দরুদ শরীফ পাঠ করত, যখন সে এই দুরাবস্থার শিকার হয়, তখন আমার নিকট ফরিয়াদ করেছিলো আর নিশ্চয় যারা আমার উপর অধিকহারে দরুদ শরীফ পাঠ করে, আমি তাদের ফরিয়াদ শুনে থাকি।” এরপর আমার চোখ খুলে গেলো, আমি দেখলাম যে, সত্যিই আমার আব্বাজানের চেহারা নূরে আলোকিত হয়ে গেছে আর পেটও স্বাভাবিক হয়ে গেছে।” (তাকসীরে রুহুল বয়ান, ৭ম খন্ড, ২২৫ পৃষ্ঠা)

আল্লাহ পাকের রহমত তাঁদের উপর বর্ষিত হোক এবং তাঁদের সদকায আমাদের বিনা হিসাবে ক্ষমা হোক। **أَمِينِ بِجَاهِ النَّبِيِّ الْأَمِينِ صَلَّى اللهُ عَلَيْهِ وَآلِهِ وَسَلَّمَ**

দুনিয়া ও আখিরাত মৈ জব মে রহৌ সালামত,
পেয়ারে পড়ৌ না কিউ কর তুম পর সালাম হার দম।

১) কানযুল ঈমান থেকে অনুবাদ: আমরাতো আল্লাহরই মালিকানাধীন এবং আমাদেরকে তাঁরই প্রতি ফিরে যেতে হবে। (পারা: ২, সূরা: বাকারা, আয়াত: ১৫৬)

লিল্লাহ আব হামারী ফরিয়াদ কো পৌঁছিয়ে!

বে হদ হে হাল আবতর তুম পর সালাম হার দম। (যওকে নাভ)

صَلُّوا عَلَى الْحَبِيبِ! صَلَّى اللهُ عَلَى مُحَمَّدٍ

(৫৩) আমার প্রিয় নবীর পূর্বে তাওয়াফ করবো না

মাহবুবে রবে গণী, আকায়ে মক্কী মাদানী, হযুর صَلَّى اللهُ عَلَيْهِ وَآلِهِ وَسَلَّمَ হৃদয়বিয়ার সন্ধির প্রাক্কালে হযরত সাযিয়দুনা ওসমান গণী رَضِيَ اللهُ عَنْهُ কে প্রতিনিধি হিসাবে মক্কায়ে মুকাররমার وَادِعَا اللهُ شَرْقًا وَتَغْطِيْمًا কাফিরদের সাথে আলোচনা করার জন্য পাঠিয়েছিলেন। কেননা, তারা সিদ্ধান্ত নিয়েছিলো যে, এবছর শাহে খাইরুল আনাম, হযুর صَلَّى اللهُ عَلَيْهِ وَآلِهِ وَسَلَّمَ ও তাঁর সাহাবীদেরকে مَكَّةَ شَرِيفَةَ وَعَلَيْهِمُ الرِّضْوَانُ মক্কা শরীফে وَادِعَا اللهُ شَرْقًا وَتَغْطِيْمًا প্রবেশ করতে দেবে না। হযরত সাযিয়দুনা ওসমান গণী رَضِيَ اللهُ عَنْهُ যখন কাবার হেরেমে গিয়ে পৌঁছান, তখন তাঁকে বলা হলো: “এই বৎসর আপনারা হজ্জ করতে পারবেন না।” মক্কার কাফিরেরা হযরত সাযিয়দুনা ওসমান গণী رَضِيَ اللهُ عَنْهُ কে বললো: “আপনি যেহেতু এখানে এসেই গেছেন, তবে ইচ্ছা করলে তাওয়াফ করে নিতে পারেন।” হযরত সাযিয়দুনা ওসমান গণী رَضِيَ اللهُ عَنْهُ আল্লাহ পাকের প্রিয় হাবীব صَلَّى اللهُ عَلَيْهِ وَآلِهِ وَسَلَّمَ কে ছাড়া তাওয়াফ করা অশোভন মনে করলেন। অতএব, তিনি বললেন: “مَا كُنْتُ لِأَفْعَلَ حَتَّى يَطُوفَ بِهِ رَسُولُ اللهِ صَلَّى اللهُ عَلَيْهِ وَآلِهِ وَسَلَّمَ” অর্থাৎ আমি ততক্ষণ পর্যন্ত কাবা শরীফের তাওয়াফ করবো না, যতক্ষণ পর্যন্ত রাসূলুল্লাহ صَلَّى اللهُ عَلَيْهِ وَآلِهِ وَسَلَّمَ তাওয়াফ করে না নিবেন।”

(মুসনদে ইমাম আহমদ বিন হাম্বল, ৬ষ্ঠ খন্ড, ৪৮৯ পৃষ্ঠা, হাদীস: ১৮৯৩২)

আল্লাহ পাকের রহমত তাঁর উপর বর্ষিত হোক এবং তাঁর সদকায় আমাদের বিনা হিসাবে ক্ষমা হোক। اٰمِيْنَ بِجَاهِ النَّبِيِّ الْاَمِيْنَ صَلَّى اللهُ عَلَيْهِ وَآلِهِ وَسَلَّمَ

আল্লাহ্‌ চে কিয়া পেয়ার হে ওসমান গণী কা,

মাহবুবে খোদা ইয়ার হে ওসমান গণী কা। (যওকে নাভ)

صَلُّوا عَلَى الْحَبِيبِ! صَلَّى اللهُ عَلَى مُحَمَّدٍ

(৫৪) পায়ে হেঁটে ২০বার হজ্জের সফর

রাকিবে দোশে মুস্তফা, সৈয়দুল আসখিয়া, বেরাদরে শহীদে কারবালা, জিগরে গোশায়ে ফাতেমা, দিলবন্দে মুরতাদ্বা, সাযিদুনা ইমাম হাসান মুজতবা رَضِيَ اللهُ عَنْهُ একবার বললেন: “আমি খুবই লজ্জিত। আহ! আল্লাহ্ পাকের সাথে কীভাবে সাক্ষাৎ করবো! আফসোস! তাঁর পবিত্র ঘর (কাবা শরীফ) পর্যন্ত কখনো পায়ে হেঁটে এলাম না!” এরপর তিনি رَضِيَ اللهُ عَنْهُ ২০ বার মদীনা শরীফের وَادَعَا اللهُ شَرَفًا وَتَعْظِيمًا থেকে মক্কা শরীফ وَادَعَا اللهُ شَرَفًا وَتَعْظِيمًا হজ্জের উদ্দেশ্যে পায়ে হেঁটেই এসেছিলেন। বর্ণিত রয়েছে: “একবার তিনি কাবা শরীফের তাওয়াফ করলেন, এরপর মকামে ইব্রাহীমের নিকট দুই রাকাত ওয়াজিবুত তাওয়াফ নামায আদায় করলেন। অতঃপর আপন চেহারা মোবারক মকামে ইব্রাহীমের উপর রেখে অঝোর নয়নে কাঁদতে কাঁদতে এভাবে মুনাযাত করলেন: “হে আমার রবের কদীর! তোমার অধম বান্দা তোমার দরবারে উপস্থিত, তোমার ভিখারী তোমার দরজায় উপস্থিত, তোমার অনাথ বান্দা তোমার দ্বারে উপস্থিত।” তিনি কথাগুলো বার বার বলছিলেন আর কান্না করছিলেন। তারপর মসজিদে হারাম থেকে বের হয়ে কিছু মিসকিন লোকের পাশ দিয়ে যাচ্ছিলেন, যারা রুটির (সদকার) টুকরো খাচ্ছিলো। তিনি তাদেরকে সালাম করলেন, সালামের উত্তর দেয়ার পর তারা তাঁকেও তাদের সাথে খাওয়ার দাওয়াত দিলো। তিনি رَضِيَ اللهُ عَنْهُ নিঃসঙ্কোচে তাদের সাথে একই দস্তুরখানায় বসে গেলেন আর বললেন: “এই রুটিগুলো যদি সদকার না হতো, তবে আমিও আপনাদের সাথে অবশ্যই খেতাম। কিন্তু আমরা নবী-বংশের জন্য সদকা গ্রহণ করা হারাম। এরপর তিনি رَضِيَ اللهُ عَنْهُ সেই মিসকিনদেরকে তাঁর বাসস্থানে নিয়ে আসেন এবং সবাইকে ভাল খাবার খাওয়ালেন, অতঃপর যাওয়ার সময় সবাইকে দিরহামও দান করলেন।”

(আল মুসতাতরাফ, ১ম খন্ড, ২৩ পৃষ্ঠা)

আল্লাহ্ পাকের রহমত তাঁর উপর বর্ষিত হোক এবং তাঁর সদকায় আমাদের বিনা হিসাবে ক্ষমা হোক। أُمِينَ بِجَاهِ النَّبِيِّ الْأَمِينِ صَلَّى اللهُ عَلَيْهِ وَآلِهِ وَسَلَّمَ

উহ হাসান মুজতবা সৈয়্যদুল আসখিয়া,
রাকিবে দোশে ইজ্জত পে লার্থোঁ সালাম। (হাদায়িকে বখশিশ শরীফ)

صَلُّوا عَلَى الْحَبِيبِ! صَلَّى اللهُ عَلَى مُحَمَّدٍ

(৫৫) হযুর ﷺ এর সাথে বৃষ্টিতে তাওয়াফ করার সৌভাগ্য

প্রিয় ইসলামী ভাইয়েরা! বৃষ্টিতে তাওয়াফ করার কথা কি বলবো! হযরত সায়্যিদুনা আবু ইকাল رَضِيَ اللهُ عَنْهُ বলেন: “হযরত সায়্যিদুনা আনাস বিন মালেক رَضِيَ اللهُ عَنْهُ এর সাথে আমি বৃষ্টিতে তাওয়াফ করার সৌভাগ্য অর্জন করি। আমরা যখন মকামে ইব্রাহীমে দুই রাকাত নামায আদায় করলাম, তখন হযরত সায়্যিদুনা আনাস বিন মালেক رَضِيَ اللهُ عَنْهُ বলেন: “নতুন ভাবে আমল করো, নিশ্চয় তোমার গুনাহ ক্ষমা করে দেওয়া হয়েছে! প্রিয় নবী, রাসূলে আরবী, হযুর পূরনূর صَلَّى اللهُ عَلَيْهِ وَآلِهِ وَسَلَّمَ আমাদেরকে এভাবেই ইরশাদ করেছিলেন আর আমরা রাসূলুল্লাহ صَلَّى اللهُ عَلَيْهِ وَآلِهِ وَسَلَّمَ এর সাথে বৃষ্টিতে তাওয়াফ করার সৌভাগ্য অর্জন করেছিলাম।”

(ইবনে মাজাহ, ৩য় খন্ড, ৫২৪ পৃষ্ঠা, হাদীস: ৩১১৮)

আজ হে রো বরো মেরে কাবা, সিলসিলা হে তাওয়াফ কা ইয়া রব!

আবর বরসা দেয় নূর কা কেহ্ লোঁ, বারিশে নূর মেঁ নাহা ইয়া রব!

(ওয়াসায়িলে বখশিশ, ৮৭ পৃষ্ঠা)

صَلُّوا عَلَى الْحَبِيبِ! صَلَّى اللهُ عَلَى مُحَمَّدٍ

(৫৬) আমাকে হেরেম শরীফে নিয়ে যাও

হযরত মাওলানা আব্দুল হক ইলাহাবাদী رَحْمَةُ اللهِ عَلَيْهِ ভারতের অধিবাসী এবং প্রসিদ্ধ আলিমে দ্বীন ছিলেন, চল্লিশ (৪০) বছরেরও বেশি সময় মক্কা শরীফে বসবাস করেন। প্রতি বছর নিষ্ঠার সাথে অবশ্যই হজ্জ করতেন। এক বছর হজ্জের মৌসুমে তিনি খুবই অসুস্থ হয়ে বিছানায় পড়ে ছিলেন, যুলহিজ্জাতুল হারামের নবম তারিখ তার শাগরীদদের বললেন: “আমাকে হেরেম শরীফ নিয়ে চলো! কয়েকজন মিলে উঠিয়ে নিয়ে এসে কাবাতুল্লাহ

সামনে বসিয়ে দিলেন, তিনি رَحْمَةُ اللهِ عَلَيْهِ যমযম শরীফ আনিয়ে পান করলেন এবং দোয়া করলেন: ‘ইয়া ইলাহী! হজ্জ থেকে বঞ্চিত করিও না।’ সেই মুহূর্তেই মাওলা তায়লা তাঁকে এমন শক্তি দান করলেন যে, তিনি উঠে নিজের পায়ে হেঁটে আরাফাত শরীফ গেলেন এবং হজ্জ আদায় করলেন।

(মলফুযাতে আ'লা হযরত, ১৯৮ পৃষ্ঠা, সংক্ষেপিত)

প্রিয় ইসলামী ভাইয়েরা! যদি বিশ্বাস অটুট থাকে তবে নিশ্চয় যমযমের পানি পান করার পর যে দোয়াই করা হয়, কবুল হয় আর কেনই বা হবে না, নবী পাক صَلَّى اللهُ عَلَيْهِ وَآلِهِ وَسَلَّمَ ইরশাদ করেছেন: “যমযম যে উদ্দেশ্যে পান করা হবে, তা সে জন্যই।” (ইবনে মাজাহ, ৩য় খন্ড, ৪৯০ পৃষ্ঠা, হাদীস: ৩০৬২)

ইয়ে যমযম উচ লিয়ে হে জিচ লিয়ে উচ কো পিয়ে কোয়ী,
ইসি যমযম মৈ জ্নাত হে ইচি যমযম মৈ কাওসার হে। (যওকে নাভ)

صَلُّوا عَلَى الْحَبِيبِ! صَلَّى اللهُ عَلَى مُحَمَّدٍ

(৩৭) যমযমের পানি দ্বারা কণ্ঠনালীতে সুঁই আটকানোর চিকিৎসা হয়ে গেলো

হামযা বিন ওয়াছিল তাঁর শ্রদ্ধেয় পিতা থেকে বর্ণনা করেন: “পবিত্র হেরেম শরীফে কোন ব্যক্তি ছাতু (এক প্রকার আটা মিশ্রিত খাবার) খেলো। ছাতুতে সুঁই ছিলো, যা তার কণ্ঠনালীতে আটকে গেলো এবং তার জীবন নিয়ে টালমাটাল অবস্থা হলে, অনেক চেষ্টা করেও কিছুই হলো না, সে কাঁদতে কাঁদতে বললো: “আমার শেষ চিকিৎসা হলো যমযম, আমাকে যমযমের পানি পান করাও إِنَّ شَاءَ اللهُ আমি ভাল হয়ে যাব।” সুতরাং তাকে যমযমের পানি পান করানো হলো। الْحَبِيبُ যমযম শরীফের পানির বরকতে তিনি সুস্থ হয়ে গেলেন। বর্ণনাকারী বলেন: “আমার আব্বাজান সেই ব্যক্তিকে কিছু দিন পর হেরেম শরীফে দেখেছিলেন, তিনি তখন সম্পূর্ণ সুস্থ ও প্রশান্তিতে ছিলেন।”

(শিফাউল গুরাম, ১ম খন্ড, ৩৩৮ পৃষ্ঠা)

মেঁ মক্কে মেঁ জা কর করোঁঙ্গা তাওয়াফ অওর,

নসিব আবে যমযম মুঝে হোগা পিনা। (ওয়সায়িলে বখশিশ, ৩২৩ পৃষ্ঠা)

صَلُّوا عَلَى الْحَبِيبِ! صَلَّى اللهُ عَلَى مُحَمَّدٍ

(৫৮) পিপাসার রোগ আর যমযমের পানির চমক

এক ইয়ামেনী লোকের পিপাসার রোগ হয়েছিলো (অর্থাৎ পেট ভরে যাওয়া অথচ পিপাসায় কাতর থাকা)। ইয়ামেনের চিকিৎসকেরা এটি দূরারোগ্য রোগ বলে ঘোষণা দিলো। সে মক্কা শরীফে رَأَى اللهُ شَرْقًا وَتَغْيِبًا এলো এবং এখানকার চিকিৎসকেরাও অপারগতা প্রকাশ করলো। আল্লাহ্ পাক তার মনে এই ভাব জাগিয়ে দিলো যে, যেন সে যমযমের পানি পান করে। অতএব, লোকটি পেট ভরে যমযমের পানি পান করল আর আল্লাহ্ পাকের দয়া ও অনুগ্রহে সে আরোগ্য লাভ করলো। (প্রাঞ্জল, ২৫৫ পৃষ্ঠা)

তু মক্কে কি গলিয়াঁ দেখা ইয়া ইলাহী! ওয়াহাঁ খুব যমযম পিনা ইয়া ইলাহী!

صَلُّوا عَلَى الْحَبِيبِ! صَلَّى اللهُ عَلَى مُحَمَّدٍ

(৫৯) দানের কূপ, সাজার কূপ

মুজাহিদ ইবনে ইয়াহইয়া বলখী বলেন: “খোরাসানের এক অধিবাসী ৬০ বৎসর যাবৎ মক্কা শরীফে رَأَى اللهُ شَرْقًا وَتَغْيِبًا বসবাস করে আসছিলেন। যিনি অনেক বড় আবিদ, যাহিদ এবং রাত্রি জাগরণকারী ব্যক্তিত্ব ছিলেন, দিনে কোরআনে করীম পাঠ করতেন এবং সারা রাত তাওয়াফ করতেন। একজন নেককার ও সৎ লোকের সাথে সেই খোরাসানী ব্যক্তির বন্ধুত্ব ছিলো। সৎ লোকটি সেই খোরাসানী ব্যক্তিটির নিকট আমানত স্বরূপ দশ হাজার দীনার গচ্ছিত রেখে সফরে চলে গেলেন। সফর শেষে তিনি যখন ফিরে এলেন, জানতে পারলেন যে, তার খোরাসানী বন্ধুটি মারা গেছে। তিনি তার ওয়ারিশের নিকট গিয়ে তার আমানতগুলো চাইলে তারা সেই বিষয়ে অজ্ঞতা প্রকাশ করলো। সৎ লোকটি মক্কা শরীফের ফকীহদের ঘটনাটি জানালে তাঁরা

বললেন: “আমরা আশা করি যে, মরহুম খোরাসানী ব্যক্তিটি জান্নাতী। আপনি মধ্য রাতের পর যমযম কূপের ভেতরে ঝুঁকে এই কথা বলবেন, ‘হে খোরাসানী ব্যক্তি! আমি তোমাকে আমানত দিয়েছিলাম’। তিনি উত্তর দেবেন।” অতঃপর তিনি এমনই করলেন। কিন্তু যমযমের কূপ থেকে কোন উত্তর এলো না। লোকটি আবারও মক্কা শরীফের ওলামাদের সাথে যোগাযোগ করলে তাঁরা সবাই আফসোস প্রকাশ করে বললেন: “হয়তো তিনি জান্নাতীদের অন্তর্ভুক্ত নয়, জান্নাতী হলে তাঁর রুহটি যমযম কূপের ওখানেই থাকতো। এখন আপনি ইয়ামেনের বরহুত কূপের নিকট গিয়ে পূর্বের ন্যায় বলবেন। সেই কূপটি জাহান্নামের পাশে, সেখানে জাহান্নামীদের রুহগুলো থাকে।” অতএব, লোকটি ইয়ামেন গেলেন আর বরহুত কূপে গিয়ে ডাক দিলেন: “হে খোরাসানী! আমি তোমাকে আমানত দিয়েছিলাম।” তিনি সেখানে রুহগুলোকে চিৎকার করতে শুনছিলেন। একটি থেকে জিজ্ঞাসা করলেন: “তুমি কী কারণে আযাবে লিপ্ত?” সে বললো: “আমি অত্যাচারী ছিলাম, হারাম খেতাম, মালাকুল মওত আমাকে এখানে এনে নিক্ষেপ করেছে।” অন্য রুহ বললো: “আমি হলাম, আব্দুল মালিক বিন মারওয়ানের রুহ, অত্যাচার করার কারণে আমি এখানে আযাবের মধ্যে আছি।” সেই সৎ লোকটি বলেন: “আমি তৃতীয় আওয়াজ শুনলাম যা ছিলো খোরাসানী বন্ধুটির।” আমি জিজ্ঞাসা করলাম: “তুমি এখানে কেন? তুমি তো ইবাদতগুজার বান্দা ছিলে!” খোরাসানীটি বললো: “আমার এক পক্ষু বোন ছিলো, আমি তার প্রতি উদাসীন ছিলাম এবং আত্মীয়তার বন্ধন ছিন্ন করেছিলাম, সে কারণেই আমার সকল ইবাদত নষ্ট হয়ে গেছে আর আমি আযাবে লিপ্ত হয়ে গেছি।” সৎ ব্যক্তিটি জিজ্ঞাসা করলো: “আমার আমানত কোথায়?” খোরাসানী বললো: “আমার ঘরের অমুক কোণায় মাটির নিচে পুঁতে রাখা আছে, গিয়ে নিয়ে নাও।” অতএব, সৎ লোকটি খোরাসানীর বাড়িতে এলো এবং সেখান থেকে তার আমানতগুলো বের করে নিলো। এরপর সে খোরাসানীর বোনটির নিকট গেলো এবং তার প্রয়োজনাঙ্গী পূর্ণ

করে দিলো, মৃত ব্যক্তির বোনটি খুশি হয়ে গেলো। সৎ ব্যক্তিটি পুনরায় মক্কা শরীফে **رَادَاهَا اللَّهُ شَرَفًا وَتَعْظِيمًا** এসে যমযমের কূপে গিয়ে ডাক দিলো। মৃত খোরাসানী ব্যক্তিটি উত্তর দিলো: “**الْحَمْدُ لِلَّهِ** আমি বরহৃত কূপ থেকে মুক্তি পেয়েছি এবং এখানে খুবই শান্তি ও আরামে আছি।” (বলদুল আমীন, ৯৮-৯৯ পৃষ্ঠা)

ইয়া ইলাহী! রিশতাদারোঁ চে করোঁ হুসনে সুলুক,
কতয়ে রেহমী সে বাচোঁ ইচ মেঁ করোঁ না ভুল চুক।

صَلُّوا عَلَى الْحَبِيبِ! صَلَّى اللَّهُ عَلَى مُحَمَّدٍ

(৬০) ভারত থেকে মুহর্তেই কাবার সামনে

ভারতের অধিবাসী এক ঘাস কর্তনকারী বৃদ্ধের যিলহজ্জ মাসের ৯ম তারিখ স্বরণ আসলো যে, আজ আরাফাতের দিন। সৌভাগ্যবান হাজী সাহেবরা আরাফাতের ময়দানে সমবেত হয়েছেন। এই কথাগুলো স্মরণে আসতেই বৃদ্ধ লোকটি বেদনার এক আফসোসের নিশ্বাস ছেড়ে বললেন: “আহ! আমিও যদি হজ্জ করতে পারতাম!” কুদওয়াতুল কুবরা, মাহবুবে ইয়াজদানী, হযরত সাযিদ্‌না শায়খ সৈয়দ আশরাফ জাহাঙ্গীর সিমনানী **رَحْمَةُ اللَّهِ عَلَيْهِ** পাশেই বসা ছিলেন। তিনি বৃদ্ধ লোকটির আবেগভরা মনের বেদনার কথাগুলো শুনে বললেন: “এদিকে আসুন।” বৃদ্ধটি কাছে এলেন, এবার মুখে নয়, হাতে ইশারা করলেন: “যান।” ইশারা করার সাথে সাথেই সেই বৃদ্ধ লোকটি নিজেকে মক্কা শরীফের **رَادَاهَا اللَّهُ شَرَفًا وَتَعْظِيمًا** পবিত্র মসজিদে হারামের একেবারে কাবা শরীফের সামনে পেলেন! তিনি উৎফুল্লতার সহিত তাওয়াফ করলেন, আরাফাতের ময়দানে গেলেন এবং অপরাপর হজ্জের সকল আনুষ্ঠানিকতাগুলো পালন করলেন। হজ্জের মৌসুম যখন শেষ হয়ে গেলো, বৃদ্ধটি মনে মনে বললো: “এবার দেশে যাবো কীভাবে!” এই কথা মনে আসার সাথে সাথেই তিনি হযরত সাযিদ্‌না শায়খ জাহাঙ্গীর সিমনানী **رَحْمَةُ اللَّهِ عَلَيْهِ** কে তার সামনে দাঁড়ানো দেখতে পেলেন। তিনি বৃদ্ধটিকে বললেন: “যান।” বৃদ্ধ হাজী সাহেবটি মাথা উঠানোর সাথে সাথেই দেখতে পেলেন তিনি ভারতে নিজের ঘরেই অবস্থান করছেন।”

(লাতায়িফে আশরাফী, ৩য় অংশ, ৬০২-৬০৩ পৃষ্ঠা)

আল্লাহ পাকের রহমত তাঁদের উপর বর্ষিত হোক এবং তাঁদের সদকায় আমাদের বিনা হিসাবে ক্ষমা হোক।
 آمين بجاه النبي الأمين صَلَّى اللهُ عَلَيْهِ وَآلِهِ وَسَلَّمَ

কিউ কর না মেরে কাম বনেঁ গাইব চে হাসান,
 বান্দা ভি হেঁ তো কেয়সে বড়ে কারসাজ কা। (যওকে নাভ)

صَلُّوا عَلَى الْحَبِيبِ! صَلَّى اللهُ عَلَى مُحَمَّدٍ

(৬১) এক অভিনব কুষ্ঠরোগী

হযরত সাযিয়দুনা আবুল হোসাইন দররাজ رَحْمَةُ اللهِ عَلَيْهِ বলেন: “কোন এক বৎসর আমি একাই হজ্জের উদ্দেশ্যে রওয়ানা হয়ে গেলাম এবং দ্রুত পথ অতিক্রম করে ‘কাদিসিয়া’য় পৌঁছলাম। সেখানে কোন এক মসজিদে গেলে আমার দৃষ্টি এক কুষ্ঠরোগীর উপর পড়লো, তিনি আমাকে সালাম দিলেন এবং বললেন: “হে আবুল হোসাইন! হজ্জের ইচ্ছা পোষণ করেছেন নাকী?” তাকে দেখে আমার খুবই ঘৃণা হচ্ছিল সুতরাং আমি অবজ্ঞার সুরে বললাম: “হ্যাঁ।” তিনি বললেন: “তাহলে আমাকেও সঙ্গে নিয়ে চলুন।” আমি মনে মনে বললাম: “এতো এক নতুন বিপদ এসে পড়লো! আমি তো সুস্থ লোকের সঙ্গও এড়িয়ে চলি, আর এই কুষ্ঠরোগী আমাকে তার সাথে থাকার অনুরোধ করছে!” আমি পরিষ্কার ভাষায় অস্বীকার করলাম। তিনি অত্যন্ত বিনয়ের স্বরে বললেন: “আমাকে আপনার সাথে নিয়ে যান, বড়ই মেহেরবানী হবে।” কিন্তু আমি শপথ করে বললাম: “আল্লাহর কসম! আমি কখনোই তোমাকে আমার সাথী বানাবো না।” তিনি বললেন: “হে আবুল হোসাইন! আল্লাহ পাক দুর্বলদেরকে এমন কিছু দিয়ে থাকেন, যা দেখে সবলরাও হতবাক হয়ে যায়!” আমি বললাম: “তুমি ঠিক কথাই বলছো, কিন্তু আমি তোমাকে সাথে রাখতে পারবো না।” আসরের নামায আদায় করে আমি পুনরায় সফর শুরু করলাম। সকাল বেলায় এক লোকালয়ে গিয়ে পৌঁছালে আশ্চর্যজনক ভাবে সেই কুষ্ঠরোগীর সাথে দেখা হলো! আমাকে দেখে তিনি সালাম দিয়ে বললেন: “আল্লাহ পাক দুর্বলদেরকে এমন কিছু দিয়ে থাকেন, যা দেখে সবলরাও

হতবাক হয়ে যায়!” তাঁর কথাগুলো শুনে তাঁর ব্যাপারে আমার অন্তরে বিভিন্ন ভাবনার উদয় হতে লাগল। যাইহোক, আমি সেখান থেকে রওয়ানা হয়ে গেলাম। যখন আমি ‘কারআ’ নামক স্থানে এসে নামাযের জন্য মসজিদে প্রবেশ করলাম, তখন সেখানেও দেখলাম তিনি বসে আছেন। বললেন: “হে আবুল হোসাইন! আল্লাহ্ পাক দুর্বলদেরকে এমন কিছু দিয়ে থাকেন, যা দেখে সবলরাও হতবাক হয়ে যায়!” তার কথা শুনে আমার মনে ভাবাবেগের উদয় হলো এবং আমি অত্যন্ত আদব সহকারে আরয করলাম: “হুয়ুর! আমি আল্লাহ্ পাকের দরবারে ক্ষমা প্রার্থনা করছি এবং আপনার নিকটও ক্ষমার ভিখারী, আমাকে ক্ষমা করে দিন।” তিনি বললেন: “আপনি এ কেমন কথা বলছেন?” আমি বললাম: “আমি অনেক বড় ভুল করে ফেলেছি যে, আপনার সাথে সফর করিনি, দয়া করে! আমাকে ক্ষমা করে দিন, আর আমাকে আপনার সাথে সফরসঙ্গী করে নিন।” তিনি বললেন; “আপনি আমার সাথে সফর না করার শপথ করেছেন আর আমি আপনার শপথ ভাঙতে চাই না।” আমি বললাম: “ঠিক আছে! তবে এতটুকু দয়া করুন যে, প্রত্যেক মঞ্জিলেই আপনার সাথে সাক্ষাতের ব্যবস্থা করে দিন।” তিনি বললেন: “إِنْ شَاءَ اللَّهُ” এরপর তিনি আমার দৃষ্টি থেকে অদৃশ্য হয়ে গেলেন এবং আমিও অগ্রসর হতে লাগলাম। আল্লাহ্ পাকের সেই নেককার বান্দাটির বরকতে বাকি সফরে আমাকে কোন রকম ক্ষুধা, পিপাসা কিংবা ক্লান্তির সম্মুখীন হতে হয়নি। اَلْحَمْدُ لِلَّهِ প্রত্যেক মঞ্জিলেই আমার সাথে সেই বুয়ুর্গাটির সাক্ষাৎ হতে লাগল। এমনকি মদীনা শরীফের সুগন্ধিময় পরিবেশের ফয়েয লাভ করে মক্কা শরীফ وَادِعَا اللّٰهُ شَرَفًا وَتَعْظِيمًا পৌঁছে যাই। সেখানে হযরত সায়্যিদুনা আবু বকর কাতানী ও হযরত সায়্যিদুনা আবুল হাসান মুযাইয়িন رَحْمَةُ اللّٰهِ عَلَيْهِمَا এর সাথে সাক্ষাতের সৌভাগ্য অর্জিত হলো। আমি যখন তাঁদেরকে এই আশ্চর্যজনক কাহিনীটি শুনালাম তখন তাঁরা বললেন: “ওহে নির্বোধ! তুমি কি জান, তিনি কে ছিলেন? তিনি হলেন হযরত সায়্যিদুনা আবু জাফর মাজযুম رَحْمَةُ اللّٰهِ عَلَيْهِ। আমরা তো দোয়া করি যে, আহ! আল্লাহ্ পাক যেন তাঁর এই অলীর দীদার নসিব

করেন। শুন! আর কখনো যদি তাঁর সাথে তোমার সাক্ষাৎ হয়, তবে আমাদের অবশ্যই জানাবে।” যিলহজ্জ মাসের ১০ম তারিখে আমি যখন ‘জামরাতুল উকবা’ অর্থাৎ বড় শয়তানকে পাথর নিক্ষেপ করছিলাম, তখন এক ব্যক্তি আমাকে তাঁর নিকটে টেনে বললেন: “হে আবুল হোসাইন! **السَّلَامُ عَلَيْكُمْ!**” আমি পেছনে ফিরতেই দেখলাম সেই বুয়ুগটি। অর্থাৎ হযরত সাযিয়দুনা আবু জাফর মাজযুম **رَحْمَةُ اللَّهِ عَلَيْهِ**। তাঁকে দেখার সাথে সাথেই আমার ভাবাবেগের সৃষ্টি হলো এবং আমি কান্না করতে করতে বেহুশ হয়ে লুটিয়ে পড়লাম! যখন আমি অনুভূতিশক্তি (হুশ) ফিরে পাই ততক্ষণে তিনি চলে গেলেন, অতঃপর শেষ দিনে আখেরী তাওয়াফ করার পর মাকামে ইব্রাহীমের পাশে দুই রাকাত নামায আদায়ের পর আমি যখনই দোয়ার জন্য হাত উঠালাম, এমন সময় হঠাৎ কেউ আমাকে নিজের দিকে টানলেন, দেখলাম তিনি ছিলেন হযরত সাযিয়দুনা আবু জাফর মাজযুম **رَحْمَةُ اللَّهِ عَلَيْهِ**। বলতে লাগলেন: “আবুল হোসাইন! ভয় পেও না, চেষ্টামেচি করো না, নিশ্চিত থাকো!” আমি নীরবই রইলাম এবং আমি আল্লাহ্ পাকের দরবারে তিনটি দোয়া করেছিলাম। তিনি আমার প্রতিটি দোয়ায় ‘আমীন’ বললেন। এরপর তিনি আমার দৃষ্টি থেকে অদৃশ্য হয়ে গেলেন আর কখনো তাঁকে দেখলাম না। আমার সেই তিনটি দোয়া ছিলো: (১) হে আমার পাক পরওয়ারদিগার! গরীবকে তুমি আমার এতই পছন্দনীয় বানিয়ে দাও, দুনিয়ার বুকে তার চেয়ে অধিক কোন কিছু যেন আমার ভাল না লাগে। (২) তুমি আমাকে এমন বানিও না যে, আমার এমন কোন রাত কাটবে যে পরবর্তী সকালের জন্য আমি কোন বস্তু সঞ্চয় করে রেখেছি। এমনই হয়েছিলো যে, কয়েক বৎসরই অতিবাহিত হয়ে গিয়েছিলো অথচ আমি আমার নিকট কোন বস্তু সঞ্চয় করে রাখিনি। আর তৃতীয় দোয়াটি ছিলো (৩) হে আমার পাক পরওয়ারদিগার! তুমি যখনই আমাকে তোমার আউলিয়ায়ে কিরামদের **رَحْمَةُ اللَّهِ السَّلَام** সাক্ষাতের মহান সৌভাগ্য দান করবে তখন তাঁদের সাথে আমাকেও অন্তর্ভুক্ত করে নিও।” আমার মহান প্রতিপালকের প্রতি পূর্ণ আশা যে, আমার এই দোয়া তিনি অবশ্যই পূর্ণ

করবেন। কেননা, এতে একজন কামিল অলী ‘আমীন’ শব্দের মোহর লাগিয়েছেন।” (উয়ুনুল হিকায়াত, ২৯১ পৃষ্ঠা)

আল্লাহ্ পাকের রহমত তাঁদের উপর বর্ষিত হোক এবং তাঁদের সদকায় আমাদের বিনা হিসাবে ক্ষমা হোক। **أَمِينٍ بِجَاهِ النَّبِيِّ الْأَمِينِ صَلَّى اللَّهُ عَلَيْهِ وَآلِهِ وَسَلَّمَ**

জুয়ুফ মানা মগর ইয়ে জালিম দিলো,

উন কে রাস্তে মেনে তো থকা না করে। (হাদায়িকে বখশিশ শরীফ)

(৬২) যখন স্বয়ং হযুর ﷺ ই ডাকলেন, তখন নিজে নিজেই ব্যবস্থা হয়ে গেলো

হযরত আল্লামা আবুল ফারায় আব্দুর রহমান বিন আলী ইবনে জাওয়ী **رَحْمَةُ اللَّهِ عَلَيْهِ** নিজের কিতাব ‘উয়ুনুল হিকায়াত’-এ লিখেছেন; এক পরহেজগার ব্যক্তির বর্ণনা হলো: “আমি লাগাতার তিন বৎসর যাবৎ হজ্জের জন্য দোয়া করে আসছিলাম কিন্তু আমার বাসনা পূর্ণ হচ্ছিলো না। চতুর্থ বৎসর হজ্জের মৌসুম চলছিলো এবং আমার অন্তর হজ্জের বাসনায় ছটফট করছিলো, এক রাতে যখন আমি ঘুমিয়ে পড়লাম, আমার ঘুমন্ত ভাগ্যও জাগ্রত হয়ে উঠলো, **رَحْمَةُ اللَّهِ عَلَيْهِ** স্বপ্নে আমি হযুর পাক **صَلَّى اللَّهُ عَلَيْهِ وَآلِهِ وَسَلَّمَ** এর দীদার লাভে ধন্য হলাম। হযুর **صَلَّى اللَّهُ عَلَيْهِ وَآلِهِ وَسَلَّمَ** ইরশাদ করলেন: “তুমি এ বৎসর হজ্জের জন্য চলে যাও!” আমার চোখ খুললে অন্তরে খুশির বাতাস বহিতে লাগলো। তাজেদারে রিসালাত, নবীয়ে রহমত, হযুর **صَلَّى اللَّهُ عَلَيْهِ وَآلِهِ وَسَلَّمَ** এর সুমিষ্ট আওয়াজ কানে যেন বার বার বেজে উঠছিলো, “তুমি এ বৎসর হজ্জের জন্য চলে যাও!” নবীর দরবার থেকে হজ্জের অনুমতি পেয়ে গিয়েছিলাম আমার মন অত্যন্ত আনন্দিত ছিলো। হঠাৎ মনে পড়ল যে, আমার কাছে তো পাথেয় (অর্থাৎ সফরের খরচাদি) নাই! এই ভাবনা আসতেই আমার মন দুশ্চিন্তাগ্রস্ত হয়ে গেলো। পরবর্তী রাতে মদীনার তাজেদার, হযুরে আনওয়ার **صَلَّى اللَّهُ عَلَيْهِ وَآلِهِ وَسَلَّمَ** এর আবারও স্বপ্নে যিয়ারত হলো, কিন্তু আমার দারিদ্রতার কথা বলতে পারলাম না। অনুরূপভাবে তৃতীয় রাতেও স্বপ্নে রাসূল পাক **صَلَّى اللَّهُ عَلَيْهِ وَآلِهِ وَسَلَّمَ** এর পক্ষ

থেকে আদেশ হলো: “তুমি এ বৎসর হজ্জের জন্য চলে যাও!” আমি মনে মনে ভাবলাম, চতুর্থবার যদি হুযুরে আনওয়ার صَلَّى اللهُ عَلَيْهِ وَآلِهِ وَسَلَّمَ আমার স্বপ্নে আগমন করেন তবে আমার দারিদ্রতা সম্পর্কে আরয করবো।

আহ! পাশ্বে যর নেহি রাখতে সফর সরওয়ার নেহি,
তুম বুলা লো তুম বুলানে পর হো কাদের ইয়া নবী!

চতুর্থ রাতে পুনরায় নবীয়ে রহমত, শফিয়ে উম্মত, তাজেদারে রিসালাত صَلَّى اللهُ عَلَيْهِ وَآلِهِ وَسَلَّمَ আমার গরীবালয়ে তাশরিফ নিয়ে এলেন আর ইরশাদ করলেন: “তুমি এ বৎসর হজ্জের জন্য চলে যাও!” আমি হাতজোড় করে আরয করলাম: “হে আমার আক্বা صَلَّى اللهُ عَلَيْهِ وَآلِهِ وَسَلَّمَ! আমার নিকট পাথেয় নাই।” ইরশাদ করলেন: “তুমি তোমার ঘরের অমুক স্থানটি খনন করো, সেখানে তোমার দাদার একটি যুদ্ধের পোশাক পাবে।” এতটুকু বলেই হুযুর صَلَّى اللهُ عَلَيْهِ وَآলِهِ وَسَلَّمَ তাশরীফ নিয়ে গেলেন। সকালে আমি যখন ঘুম থেকে জাগ্রত হলাম, মন আনন্দিত ছিলো। ফজরের নামাযের পর হুযুর পুরনূর صَلَّى اللهُ عَلَيْهِ وَآلِهِ وَسَلَّمَ এর দেখানো স্থানটি খনন করলাম, আসলেই সেখানে একটি মূল্যবান যুদ্ধের পোশাক ছিলো, তা খুবই পরিষ্কার-পরিচ্ছন্ন ছিলো, মনে হচ্ছিল যেন কেউ সেটি ব্যবহারই করেনি। আমি তা চার হাজার দীনারে বিক্রি করলাম এবং আল্লাহ পাকের কৃতজ্ঞতা জ্ঞাপন করলাম। الْحَمْدُ لِلَّهِ নবীয়ে রহমত, হুযুর পুরনূর صَلَّى اللهُ عَلَيْهِ وَآلِهِ وَسَلَّمَ এর কৃপাদৃষ্টির ফলে আমার হজ্জে যাওয়ার ব্যবস্থাও হয়ে গেলো।” (উম্মুল হিকায়াত, ৩২৬ পৃষ্ঠা)

জব বুলায়া আক্বা নে,
খোদ হি ইত্তেজাম হো গেয়ে।

صَلُّوا عَلَى الْحَبِيبِ! صَلَّى اللهُ عَلَى مُحَمَّدٍ

(৬৩) আমি তোমার কথা শুনেছি

হযরত সায়্যিদুনা আলী ইবনে মুয়াফ্ফাক رَحْمَةُ اللهِ عَلَيْهِ বলেন: “আমি হজ্জের সৌভাগ্য অর্জন করলাম, কাবা শরীফের তাওয়াফ করলাম, হাজরে আসওয়াদে চুমু খেললাম, দুই রাকাত তাওয়াফের নামাযও আদায় করলাম, এরপর কাবা শরীফের দেওয়ালের পাশে বসে কান্না করতে লাগলাম এবং আল্লাহ পাকের দরবারে আরয করলাম: “হে আল্লাহ! আমি তোমার পবিত্র ঘরের চতুর্দিকে জানি না কতবার যে চক্কর দিয়েছি, কিন্তু আমি জানি না যে, কবুল হলো কি না?” এরপর আমার তন্দ্রাভাব এসে গেলো, তখন আমি এক গায়েবী আওয়াজ শুনতে পেলাম: “হে আলী ইবনে মুয়াফ্ফাক! আমি তোমার কথা শুনেছি। তুমি কি তোমার ঘরে কেবল তাকেই আহ্বান করো না যাকে তুমি ভালবাস।” (আর রিয়াজুল ফায়িক, ৫৯ পৃষ্ঠা)

আল্লাহ পাকের রহমত তাঁর উপর বর্ষিত হোক এবং তাঁর সদকায় আমাদের বিনা হিসাবে ক্ষমা হোক। أَمِينِ بِجَاهِ النَّبِيِّ الْأَمِينِ صَلَّى اللهُ عَلَيْهِ وَآلِهِ وَسَلَّمَ

বুলাতে হেঁ উচি কো জিচ কি বিগড়ি ইয়ে বানাতে হেঁ,
কোমর বাঁধনা দিয়ারে তাইবা কো খুলনা হে কিসমত কা। (যওকে নাভ)

(৬৪) ধৈর্যধারণ করলেই পা থেকে ঝর্ণা প্রবাহিত হতো

হযরত সায়্যিদুনা আবদুল্লাহ ইবনে হুলাইফ رَحْمَةُ اللهِ عَلَيْهِ বলেন: “আমি হজ্জের উদ্দেশ্যে বের হলাম, বাগদাদে পৌঁছা পর্যন্ত অবস্থা এমন ছিলো যে, লাগাতার চল্লিশ দিন যাবৎ কিছু খেলাম না, কঠিন পিপাসার্থ অবস্থায় যখন একটি কূপের নিকট গেলাম, দেখলাম একটি হরিণ পানি পান করছিলো, আমাকে দেখেই হরিণটি পালিয়ে গেলো, কূপটিতে উঁকি দিয়ে দেখলাম, পানি অনেক নিচে ছিলো, বালতি ছাড়া পানি উঠানো সম্ভব হবে না। আমি একথা বলেই ফিরে আসছিলাম: “হে আমার মালিক ও মাওলা! আমার মর্যাদা কি এই হরিণটির সমানও না!” এমন সময় পেছন থেকে আওয়াজ আসলো: “আমি তোমাকে পরীক্ষা করছিলাম, কিন্তু তুমি ধৈর্যধারণ করনি। এখন

আবার যাও, পানি পান করে নাও।” আমি যখন আবার গেলাম, দেখলাম, কূপাটি উপরের অংশ পর্যন্ত পানিতে ভর্তি হয়েছিলো, আমি ভালভাবে পিপাসা মিটালাম এবং নিজের মশকটিও ভরে নিলাম, তখন অদৃশ্য থেকে একটি আওয়াজ শুনতে পেলাম: “হরিণ তো মশক ছাড়াই এসেছিলো, তুমি কিন্তু মশক সাথে করে নিয়ে এসেছ।” আমি পুরো পথে সেই মশক থেকেই পানি পান করতাম আর অযু করতাম, কিন্তু পানি কখনো শেষ হতো না। অতঃপর আমি যখন হজ্জ শেষে ফিরে আসছিলাম, আর জামে মসজিদে প্রবেশ করলাম তখন সেখানে হযরত জুনাইদ বাগদাদী رَحْمَةُ اللهِ عَلَيْهِ উপস্থিত ছিলেন, তিনি আমাকে দেখতেই বললেন: “তুমি যদি মুহূর্তের জন্য ধৈর্যধারণ করতে, তাহলে তোমার পা থেকেই বর্ণা প্রবাহিত হতো।” (আর রওজুল ফায়িক, ১০৩ পৃষ্ঠা)

আল্লাহ পাকের রহমত তাঁদের উপর বর্ষিত হোক এবং তাঁদের সদকায় আমাদের বিনা হিসাবে ক্ষমা হোক।
 أَمِينِ بِجَاهِ النَّبِيِّ الْأَمِينِ صَلَّى اللهُ عَلَيْهِ وَآلِهِ وَسَلَّمَ

উন কে তালিব নে জু চাহা পা লিয়া,

উন কে সাইল নে জু মাঙ্গা মিল গেয়া। (যগকে নাত)

صَلُّوا عَلَى الْحَبِيبِ! صَلَّى اللهُ عَلَى مُحَمَّدٍ

(৬৫) এক তাওয়াফকারীর অভিনব ফরিয়াদ

হযরত সায্যিদুনা কাসেম বিন ওসমান رَحْمَةُ اللهِ عَلَيْهِ খুবই জ্ঞান ও প্রজ্ঞার অধিকারী এবং মুত্তাকী বুয়ুর্গ ছিলেন। তিনি বলেন: “আমি এক ব্যক্তিকে দেখলাম যে, যিনি তাওয়াফ করার সময় শুধুমাত্র এই দোয়াটিই করছিলেন: اللَّهُمَّ قَضَيْتَ حَاجَةَ الْمُحْتَاجِينَ وَحَاجَتِي كَمْ تَقْضِ অর্থাৎ হে আল্লাহ! তুমি তো সকল অভাবীর অভাব পূরণ করে দিয়েছ, অথচ আমার অভাব পূরণ হলনা।” আমি যখন তাঁর কাছে বারবার এই অভিনব দোয়াটি করার ব্যাপারে জিজ্ঞাসা করলাম তখন বললেন: “আমরা সাতজন জিহাদে গিয়েছিলাম অমুসলিমরা আমাদের গ্রেফতার করে নিলো, যখন আমাদেরকে হত্যা করার উদ্দেশ্যে মাঠে

নিয়ে এলো, হঠাৎ আমি উপরের দিকে মাথা তুললাম, দেখতে পেলাম আসমানের সাতটি দরজা খোলা, প্রত্যেক দরজায় একটি করে হুঁর দাঁড়ানো, আমাদের একজন সাথীকে যখনই শহীদ করা হলো, আমি দেখলাম: একটি হুঁর রুমাল হাতে নিয়ে সেই শহীদের রুহ নেওয়ার জন্য জমিনে নেমে এলো। এভাবে আমার ছয়জন সাথীকে শহীদ করে দেওয়া হলো, অনুরূপ প্রত্যেকের রুহগুলো নেওয়ার জন্য এক একটি করে হুঁর আসতে থাকে। যখন আমার পালা এলো, তখন এক দরবারী তার সেবার জন্য আমাকে বাদশাহর কাছ থেকে চেয়ে নিলো। এতে আমি শাহাদাতের সৌভাগ্য থেকে বঞ্চিত হয়ে গেলাম। আমি একটি হুঁরকে বলতে শুনেছি: “হে বঞ্চিত ব্যক্তি! শেষ পর্যন্ত তুমি এমন সৌভাগ্য থেকে বঞ্চিত কেন রয়ে গেলে?” এরপর আসমানের সাতটি দরজাই বন্ধ হয়ে গেলো। এ কারণেই তো ভাই! আমার বঞ্চিত হওয়ার জন্য আমি আফসোস করি। আহ! শাহাদাতের সৌভাগ্য আমারও যদি নসিব হয়ে যেতো! এই সেই অভাব, যা আমার দোয়ায় আপনি শুনেছেন।” হযরত সাযিদুনা কাসেম বিন ওসমান رَحْمَةُ اللهِ عَلَيْهِ বলেন: “আমার মতে এই সাতজন সৌভাগ্যবানের মধ্যে সর্বশ্রেষ্ঠ হচ্ছে এই সপ্তম জনই, যিনি হত্যা থেকে বেঁচে গেলেন, তিনি নিজের চোখে সেই মনোরম দৃশ্য দেখেছেন, যা অন্যদের কেউ দেখেননি। তারপরও ইনিই জীবিত রয়েছেন আর অত্যন্ত আন্তরিকতা ও ঐকান্তিকতা নিয়ে নেক আমল করে যাচ্ছেন।”

(আল মুসাতাতরাফ, ১ম খন্ড, ২৪৯ পৃষ্ঠা)

আল্লাহ পাকের রহমত তাঁদের উপর বর্ষিত হোক এবং তাঁদের সদকায় আমাদের বিনা হিসাবে ক্ষমা হোক।
 أَمِينِ بِجَاهِ النَّبِيِّ الْأَمِينِ صَلَّى اللهُ عَلَيْهِ وَآلِهِ وَسَلَّمَ

মাল ও দৌলত কি দোয়া হাম না খোদা করতে হেঁ,
 হাম তো মরনে কি মদীনে মেঁ দোয়া করতে হেঁ।

(ওয়াসায়িলে বখশিশ, ১৪৩ পৃষ্ঠা)

صَلُّوا عَلَى الْحَبِيبِ! صَلَّى اللهُ عَلَى مُحَمَّدٍ

(৬৬) আল্লাহ্ পাকের গোপন ব্যবস্থাপনা

হযরত সাযিদুনা আবু মুহাম্মদ رَحْمَةُ اللَّهِ عَلَيْهِ বলেন: “আল্লাহ্ পাকের উপর ভরসা করে তিনজন মুসলমান কোন ধরনের পাথেয় ছাড়াই হজ্জের উদ্দেশ্যে রওয়ানা হলেন, সফরাবস্থায় তারা খ্রীষ্টানদের এক লোকালয়ে অবস্থান করলেন, তাদের একজনের দৃষ্টি এক সুন্দরী খ্রীষ্টান মহিলার উপর পড়লে সে তার প্রেমে পড়ে গেলো। সেই প্রেমিক বিভিন্ন বাহানা করে সেই লোকালয়েই রয়ে গেলো এবং অপর দুইজন হাজী রওয়ানা হয়ে গেলো। এবার সেই প্রেমিক নিজের মনের কথাটি মহিলাটির পিতাকে বললো, পিতা বললো: “তার মোহরানা তুমি দিতে পারবে না।” জিজ্ঞাসা করলো: “মোহরানা কি?” উত্তর পেল: “খ্রীষ্টান হয়ে যাওয়া।” সেই হতভাগা লোকটি খ্রীষ্টান ধর্ম গ্রহণ করে সেই মহিলাটিকে বিয়ে করল এবং দু’টি সন্তানেরও জন্ম হলো, অবশেষে সে মারা গেলো। তার দুই হাজী বন্ধু কোন সফরে পুনরায় সেই লোকালয়ে এলে তাদের বন্ধুটির সব খবর জানতে পারলেন, তাঁরা অত্যন্ত মর্মান্বিত হলেন। তাঁরা যখন খ্রীষ্টানদের কবরস্থানের পাশ দিয়ে যাচ্ছিলেন, তখন সেই প্রেমিকের কবরের পাশে একজন মহিলা এবং দুই শিশুকে কাঁদতে দেখলেন। সেই দুইজন হাজীও (আল্লাহ্ পাকের গোপন ব্যবস্থাপনার কথা স্মরণ করে) কান্না করতে লাগলেন। মহিলাটি জিজ্ঞাসা করলো: “আপনারা কেন কাঁদছেন?” তখন তাঁরা মৃতের মুসলমান অবস্থায় নামায-ইবাদত ও তাকওয়া-পরহেজগারী ইত্যাদির কথা উল্লেখ করলেন। মহিলাটি যখন এ কথা শুনলেন, তখন তার মন ইসলামের প্রতি ধাবিত হলো এবং তিনি তাঁর দুই সন্তান সহ মুসলমান হয়ে গেলেন।” (আর রওজুল ফায়িক, ১৬ পৃষ্ঠা)

আল্লাহ্ পাকের রহমত তাঁদের উপর বর্ষিত হোক এবং তাঁদের সদকায় আমাদের বিনা হিসাবে ক্ষমা হোক। **أَمِينٍ بِجَاهِ النَّبِيِّ الْأَمِينِ صَلَّى اللَّهُ عَلَيْهِ وَآلِهِ وَسَلَّمَ**

প্রিয় ইসলামী ভাইয়েরা! এ কেমন হৃদয়-কাঁপানো কাহিনী যে, হেরেমের পথের নেককার পরহেজগার মুসাফির হঠাৎ পার্থিব ভালবাসায়

পতিত হয়ে হৃদয়ের পাশাপাশি দ্বীনও বিসর্জন দিয়ে বসলো এবং কিছু সময়ের জন্য রঙ-তামাশায় মেতে মৃত্যুর পথ ধরে অন্ধকার কবরের সিঁড়ি অতিক্রম করলো! এই ঘটনাটি থেকে শিক্ষা গ্রহণ করে আমাদের সবাইকে আল্লাহ পাকের গোপন ব্যবস্থাপনাকে ভয় করা এবং ঈমানের উপর মৃত্যুর ফরিয়াদ করতে থাকা উচিত। কারণ, কেউ জানে না যে, আমাদের উপর কী ঘটে। মাকতাবাতুল মদীনা কর্তৃক প্রকাশিত ভাবাবেগপূর্ণ ভিসিডি কিংবা অডিও ক্যাসেট ‘আল্লাহ কি খুফিয়া তদবীর’ ক্রয় করে অবশ্যই দেখে নিবেন।

ان شاء الله আপনারা আল্লাহ পাকের ভয়ে কেঁপে উঠবেন।

জাহাঁ মেঁ হেঁ ইবরত কে হার সো নুমনে, মগর তুঝ কো আন্ধা কিয়া রঙ ও বো নে,
কভি গওর চে ভি ইয়ে দেখা হে তু নে, জু আবাদ থে উহ মহল আব হেঁ সোনে,
জাগা জি লাগানে কি দুনিয়া নেহিঁ হে, ইয়ে ইবরত কি জাঁ হে তামাশা নেহিঁ হে।

صَلُّوا عَلَى الْحَبِيبِ! صَلَّى اللهُ عَلَى مُحَمَّدٍ

(৬৭) আহ! আমিও যদি কান্নায় রত ব্যক্তিদের অন্তর্ভুক্ত হতাম!

আরাফাতের দোয়ায় হাজীদের অশ্রু বিসর্জন আর আহাজারি যখন শুরু হয়ে গেলো, তখন হযরত সাযিয়দুনা বকর رَحْمَةُ اللهِ عَلَيْهِ বলতে লাগলেন: “আহ! আমিও যদি এসব ক্রন্দনরত হাজীদের দলে হতাম।” আর হযরত সাযিয়দুনা মুতাররিফ رَحْمَةُ اللهِ عَلَيْهِ খোদাভীতিতে জড়সড় হয়ে অত্যন্ত বিনয় ও নশতার সহিত আরয করলেন: “হে আল্লাহ! তুমি আমার (নাফরমানির) কারণে এসব হাজীদেরকে নিরাশ করিও না।” (আর রওজুল ফায়িক, ৫৯ পৃষ্ঠা)

আল্লাহ পাকের রহমত তাঁর উপর বর্ষিত হোক এবং তাঁর সদকায় আমাদের বিনা হিসাবে ক্ষমা হোক।

أَمِينِ بِجَاهِ النَّبِيِّ الْأَمِينِ صَلَّى اللهُ عَلَيْهِ وَآلِهِ وَسَلَّمَ

মেরে আশুক বেহতে রাহেঁ কাশ হার দম,
তেরে খউফ চে ইয়া খোদা ইয়া ইলাহী!

(ওয়াসায়িলে বখশিশ, ৭৮ পৃষ্ঠা)

صَلُّوا عَلَى الْحَبِيبِ! صَلَّى اللهُ عَلَى مُحَمَّدٍ

(৬৮) আরাফাতে অবস্থানকারীদের পুনাহ ক্ষমা হয়ে গেলো

হযরত সাযিয়্যুনা মুহাম্মদ ইবনে মুনকাদির رَحْمَةُ اللهِ عَلَيْهِ জীবনে ৩৩বার হজ্জ করার সৌভাগ্য অর্জন করেন, তাঁর শেষ হজ্জে আরাফাতের ময়দানে মুনাজাতে এভাবে আরয করেছিলেন: “হে আল্লাহ্! তুমি জান, এই আরাফাতে আমি ৩৩ বার অবস্থান করেছি, একবার নিজের পক্ষ থেকে এবং এক এক বার আমার পিতা-মাতার পক্ষ থেকে হজ্জ করার সৌভাগ্য অর্জন করেছি। হে পরওয়ারদিগার! আমি তোমাকে সাক্ষী করছি যে, আমি আমার বাকি ৩০টি হজ্জ সেসব লোকদেরকে দান করে দিলাম, যারা এই আরাফাতে অবস্থান করেছে কিন্তু তাদের আরাফাতে অবস্থান করাটা কবুল হয়নি।” তিনি যখন আরাফাত থেকে মুয়দালিফায় পৌঁছালেন, তখন স্বপ্নে তাঁকে আহ্বান করে বলা হলো: “হে ইবনে মুনকাদির! তুমি কি তাঁর উপর দয়া করছো, যিনি দয়া সৃষ্টি করেছেন? তুমি কি তাঁকে দান করতে চাও, যিনি দান সৃষ্টি করেছেন? তোমার প্রতিপালক আল্লাহ্ পাক তোমাকে ইরশাদ করেন: আমার সম্মান ও মহত্বের শপথ! আমি আরাফাতে অবস্থানকারীদের আরাফাত সৃষ্টি করার দুই হাজার বৎসর পূর্বেই ক্ষমা করে দিয়েছি।” (আর রওজুল ফায়িক, ৬০ পৃষ্ঠা)

আল্লাহ্ পাকের রহমত তাঁর উপর বর্ষিত হোক এবং তাঁর সদকায় আমাদের বিনা হিসাবে ক্ষমা হোক। أَمِينِ بِجَاهِ النَّبِيِّ الْأَمِينِ صَلَّى اللهُ عَلَيْهِ وَآلِهِ وَسَلَّمَ

গমে হায়াত আভি রাহাতোঁ মেন্ ঢল জায়োঁ, তেরি আতা কা ইশারা জো হো গেয়া ইয়া রব!

(ওয়াসায়িলে বখশিশ, ৯৬ পৃষ্ঠা)

(৬৯) হযুর পাক ﷺ এর নামে হজ্জ

পালনকারীদের উপর বিশেষ অনুগ্রহ

হযরত সাযিয়্যুনা আলী ইবনে মুয়াফফাক رَحْمَةُ اللهِ عَلَيْهِ হযুরে পাক رَحْمَةُ اللهِ عَلَيْهِ এর পক্ষ থেকে অনেক বার হজ্জ করেছেন, তিনি رَحْمَةُ اللهِ عَلَيْهِ এর বলেন: স্বপ্নে আমার মক্কী মাদানী তাজেদার رَحْمَةُ اللهِ عَلَيْهِ وَآلِهِ وَسَلَّمَ এর দীদার লাভ হলো, হযুর পাক رَحْمَةُ اللهِ عَلَيْهِ وَآلِهِ وَسَلَّمَ আমাকে জিজ্ঞাসা করলেন: “হে ইবনে

মুয়াফ্ফাক! তুমি কি আমার পক্ষ থেকে হজ্জ করেছ?” আমি আরয করলাম: “জী হ্যাঁ।” ইরশাদ করলেন: “তুমি কি আমার পক্ষ থেকে তালবিয়া পাঠ করেছ?” আমি উত্তর দিলাম: “জী হ্যাঁ।” ইরশাদ করলেন: “কিয়ামতের দিন আমি তোমাকে এর প্রতিদান দেব আর আমি হাশরের দিনে তোমার হাত ধরে তোমাকে জান্নাতে প্রবেশ করিয়ে দেবো। যখন লোকেরা কঠিন হিসাব-নিকাশে ব্যস্ত থাকবে।” (লুবাবুল ইহইয়া, ৮৩ পৃষ্ঠা)

আল্লাহ্ পাকের রহমত তাঁর উপর বর্ষিত হোক এবং তাঁর সদকায় আমাদের বিনা হিসাবে ক্ষমা হোক। **أَمِينِ بِجَاهِ النَّبِيِّ الْأَمِينِ صَلَّى اللَّهُ عَلَيْهِ وَآلِهِ وَسَلَّمَ**

শুকরিয়া কিউ কর আদা হো আপ কা ইয়া মুস্তফা!

কেহু পড়োশী খুলদ মেঁ আপনা বানায়ী শুকরিয়া।

(ওয়াসায়িলে বখশিশ, ৩০৪ পৃষ্ঠা)

صَلُّوا عَلَى الْحَبِيبِ! صَلَّى اللَّهُ عَلَى مُحَمَّدٍ

(৭০) ষাটবার হজ্জ পালনকারী হাজী

হযরত সায়্যিদুনা আলী ইবনে মুয়াফ্ফাক **رَحْمَةُ اللَّهِ عَلَيْهِ** এর এটি ৬০তম হজ্জ ছিলো। তিনি তখন পবিত্র হেরেমে উপস্থিত ছিলেন হঠাৎ তাঁর মনে এলো, আর কতদিন প্রতি বৎসর বিরাম ভূমি, জঙ্গলের পথ মাড়াতে থাকবো! এমতাবস্থায় নিদ্রা প্রাধান্য বিস্তার করলে আমি ঘুমিয়ে পড়লাম এবং অদৃশ্য থেকে আওয়াজ শুনলাম: “সেই ব্যক্তির জন্য সুসংবাদ যাকে তার মুনিব নিজের বন্ধু বানিয়ে নিয়েছেন এবং নিজের ঘরে ডেকে এনে উচ্চ মর্যাদায় ধন্য করেছেন।” (রওজুর রিয়াইন, ১০৭ পৃষ্ঠা)

আল্লাহ্ পাকের রহমত তাঁর উপর বর্ষিত হোক এবং তাঁর সদকায় আমাদের বিনা হিসাবে ক্ষমা হোক। **أَمِينِ بِجَاهِ النَّبِيِّ الْأَمِينِ صَلَّى اللَّهُ عَلَيْهِ وَآلِهِ وَسَلَّمَ**

জুয়ুফ মানা মগর ইয়ে জালিম দিলো, উন কে রাস্তে মেঁ তো থকা না করে!

(হাদায়িকে বখশিশ শরীফ)

صَلُّوا عَلَى الْحَبِيبِ! صَلَّى اللَّهُ عَلَى مُحَمَّدٍ

(৭১) বিদায়ের অনুমতির অপেক্ষায় থাকা যুবককে সুসংবাদ

হযরত সাযিয়দুনা যুননূন মিসরী رَحْمَةُ اللهِ عَلَيْهِ কাবা শরীফের পাশে এক যুবক দেখতে পেলেন, যিনি লাগাতার নামায পড়ে যাচ্ছিলেন, থামার নামও নিচ্ছিলেন না। সুযোগ পেতেই তিনি যুবকটিকে বললেন: “কী ব্যাপার! ফিরে যাওয়ার পরিবর্তে লাগাতার নামাযই পড়ে যাচ্ছেন?” তিনি বললেন: “নিজের ইচ্ছায় কিভাবে যাই? বিদায়ের জন্য অনুমতির অপেক্ষাই আছি।” হযরত সাযিয়দুনা যুন নূন মিসরী رَحْمَةُ اللهِ عَلَيْهِ বলেন: “তখনো আমরা কথাই বলছিলাম, এমন সময় সেই যুবকটির উপর একটি চিরকুট এসে পড়ল, তাতে লেখা ছিলো: “এই চিরকুটটি খোদায়ে গাফফার মহান প্রতিপালকের পক্ষ থেকে, তাঁরই কৃতজ্ঞতা জ্ঞাপনকারী একনিষ্ঠ বান্দার প্রতি, ফিরে যাও, তোমার আগের ও পরের সকল গুনাহ ক্ষমা করে দেয়া হয়েছে।” (রওজুর রিয়াহীন, ১০৮ পৃষ্ঠা)

আল্লাহ পাকের রহমত তাঁদের উপর বর্ষিত হোক এবং তাঁদের সদকায় আমাদের বিনা হিসাবে ক্ষমা হোক। اَمِينِ بِجَاهِ النَّبِيِّ الْأَمِينِ صَلَّى اللهُ عَلَيْهِ وَآلِهِ وَسَلَّمَ

মুহব্বত মেঁ আপনি গুমা ইয়া ইলাহী!

না পাওঁ মেঁ আপনা পাতা ইয়া ইলাহী! (ওয়সায়িলে বখশিশ, ৭৮ পৃষ্ঠা)

صَلُّوا عَلَى الْحَبِيبِ! صَلَّى اللهُ عَلَى مُحَمَّدٍ

(৭২) নিরাশ না হওয়া হাজী

হযরত সাযিয়দুনা মালিক বিন দীনার رَحْمَةُ اللهِ عَلَيْهِ বর্ণনা করেন; এক আবিদ বলেন: “আমি ক্রমাগত কয়েক বৎসর যাবৎ হজ্জ এর মহান সৌভাগ্য অর্জনে ধন্য হচ্ছিলাম এবং প্রতি বছরই এক দরবেশকে পবিত্র কাবার দরজা আঁকড়ে ধরা অবস্থায় দেখতাম, যখন তিনি “كَيْبِكُ ط الْهُمَّ كَيْبِكُ ط” বলতেন তখন অদৃশ্য থেকে আওয়াজ শুনা যেতো “يَكَيْبِكُ”। আমি চৌদ্দতম (১৪) বছরে ঐ ব্যক্তিকে জিজ্ঞাসা করলাম: হে দরবেশ! তুমি বধির তো নও? সে উত্তর দিলো: আমি সব কিছুই শুনছি। আমি বললাম: তবে এরূপ কষ্ট করছো কেন? সে

বললো: জনাব! আমি শপথ করে বলতে পারি যে, যদি চৌদ্দ বছর কেন আমার বয়স যদি চৌদ্দ হাজার (১৪০০০) বছরও হয় এবং বছরে একবার নয় প্রতিদিন হাজার বারই (১০০০) যদি এই উত্তর “لَا كَيْفَ” শুনি তবুও এই দরজা থেকে মাথা উঠাবো না। তিনি رَحْمَةُ اللَّهِ عَلَيْهِ বলেন: আমরা কথাবার্তায় ব্যস্ত ছিলাম হঠাৎ এমন সময় আসমান হতে একটি কাগজ ঐ ব্যক্তির বুকে এসে পড়লো। তিনি কাগজটি আমার দিকে বাড়ালেন, আমি পড়লাম, এতে লিখা ছিলো: “হে মালিক বিন দিনার! তুমি আমার বান্দাকে আমার কাছ থেকে পৃথক করে দিচ্ছেো যে, আমি তার এ ক’বছরের হজ্জ কবুল করিনি, এমন নয় বরং এই বছর আসা সকল হাজীর হজ্জও তার ডাকার বরকতে কবুল করেছি যেন কেউ আমার দরবার থেকে বঞ্চিত না ফিরে।”

দোয়া কবুল না হওয়ার বিভিন্ন হিকমত

প্রিয় ইসলামী ভাইয়েরা! এই ঘটনাটি থেকে আমরা এই মাদানী ফুলও পেলাম যে, দোয়া কবুল হওয়াতে যত বিলম্বই হোক না কেন নিরাশ না হওয়া উচিত, আমরা বিলম্ব হওয়ার মূল রহস্য সম্পর্কে অবহিত নই, নিঃসন্দেহে দোয়া কবুল হওয়াতে বিলম্ব হওয়া বরং দোয়া কবুলের নিদর্শন প্রকাশ না হওয়াও আমাদের জন্য উপকারীই বটে। আমার আকু আ’লা হযরত رَحْمَةُ اللَّهِ عَلَيْهِ এর শক্বেয় আব্বাজান রাঈসুল মুতাকাল্লিমীন হযরত মাওলানা নকী আলী খাঁ রَحْمَةُ اللَّهِ عَلَيْهِ এর বক্তব্যের সারমর্ম হচ্ছে: “আল্লাহ পাকের হিকমত হচ্ছে যে, কখনো তুমি মুর্থতা হেতু কোন কিছু ফরিয়াদ করো আর (তিনি) মেহেরবানী করে তোমার দোয়া কবুল করেন না, কারণ, তুমি যা প্রার্থনা করছো, তা যদি তোমাকে দান করেন, তা হলে তোমার ক্ষতি হবে। মনে করো, তুমি ধন-সম্পদ প্রার্থনা করছো আর তা যদি তুমি পেয়ে যাও, তাহলে তোমার ঈমানের উপর বিপদ আসবে, অথবা মনে কর, তুমি সুস্বাস্থ্য প্রার্থনা করছো, অথচ স্বাস্থ্য তোমার আখিরাতের পক্ষে ক্ষতির কারণ হয়ে দাঁড়াবে, এই কারণে তিনি তোমার দোয়া কবুল করেন না। দ্বিতীয় পারার সূরা বাকারার ২১৬ নম্বর আয়াতে ইরশাদ হচ্ছে:

عَسَىٰ أَنْ تَحِبُّوا شَيْئًا وَ
هُوَ شَرٌّ لَّكُمْ ط

(পারা: ২, সূরা: বাকারা, আয়াত: ২১৬)

কানযুল ঈমান থেকে অনুবাদ: সম্ভবতঃ কোন বিষয় তোমাদের পছন্দনীয় হবে অথচ তা তোমাদের পক্ষে অকল্যাণকর হয়।

ইয়ে কিউ কহৌ মুঝ কো ইয়ে আতা হো ইয়ে আতা হো,

উহ দো কেহ্ হামেশা মেরে ঘর ভর কা ভালা হো। (যওকে নাত)

صَلُّوا عَلَى الْحَبِيبِ! صَلَّى اللَّهُ عَلَى مُحَمَّدٍ

(৭৩) আমি কার দ্বারে যাবো, মাওলা!

দোয়া কবুল হোক আর না হোক দোয়া করার ব্যাপারে কার্পণ্য করা উচিত নয়। আপন পরওয়ারদিগারকে বার বার ডাকতে থাকাও একটি বড় ধরনের সৌভাগ্য এবং মূলতঃ এটি ইবাদত। এপ্রসঙ্গে আরো একটি কাহিনী লক্ষ্য করণ: “এক বৃদ্ধ বুয়ুর্গ কোন এক যুবকের সাথে হজ্জ করতে গেলেন, ইহরাম পরিধান করে যখন বললেন: “لَبَّيْكَ” (অর্থাৎ আমি তোমার দরবারে উপস্থিত) তখন অদৃশ্য থেকে আওয়াজ এলো: “لَبَّيْكَ” (অর্থাৎ তোমার উপস্থিতি কবুল হয়নি)। যুবক হাজীটি তাঁকে বললেন: “উত্তরটি কি আপনি শুনেছেন?” বৃদ্ধ হাজীটি বললেন: “জী হ্যাঁ, শুনেছি। আমি তো ৭০বৎসর ধরেই এই উত্তরই শুনে আসছি! আমি প্রতি বারেই আরয করি “لَبَّيْكَ” আর উত্তর শুনি “لَبَّيْكَ”।” যুবকটি বললেন: “তবু কেন আপনি বারবার আসেন? সফরের কষ্ট সহ্য করেন এবং নিজেকে ক্ষান্ত করে তুলেন?” বৃদ্ধ হাজী সাহেব কান্না করে বলতে লাগলেন: “তাহলে আমি কার দ্বারে গিয়ে ধর্ণা দেব? চাই আমাকে তাড়িয়ে দেওয়া হোক, চাই কবুল করে নেওয়া হোক, আমাকে তো এই দ্বারেই আসতে হবে, এই দ্বারে না হলে আমি কোন দ্বারে গিয়ে আশ্রয় পাবো?” তখন অদৃশ্য থেকে আওয়াজ শোনা গেলো: “যাও! তোমার সকল উপস্থিতি কবুল হয়ে গেলো।” (তফসীরে রুহুল বয়ান, ১০ম খন্ড, ১৭৬ পৃষ্ঠা)

উহ সুনৈ ইয়া না সুনৈ উন কি বেহরে হাল খুশি,
 দর্দে দিল হাম তো কহে জায়েঙ্গে اِنْ شَاءَ اللهُ ।

صَلُّوا عَلَى الْحَبِيبِ! صَلَّى اللهُ عَلَى مُحَمَّدٍ

(৭৪) হাজ্জাজ বিন ইউসুফ আর এক গ্রাম্য লোক

প্রচন্ড গরমের দিনে হাজ্জাজ বিন ইউসুফ হজ্জের সফরে মক্কা শরীফ থেকে মদীনা শরীফের رَادِمَا اللهُ شَرْفًا وَتَعْظِيمًا গমনকালে পথিমধ্যে তাবু গাঁড়লেন, নাস্তার সময় খাদেমকে বললেন: “কোন মেহমান খুঁজে নিয়ে এসো।” সে চলে গেলো এবং পাহাড়ের দিকে একজন গ্রাম্য লোককে ঘুমন্ত অবস্থায় দেখে পায়ে লাতি মেরে জাগালো এবং বললো: “তোমাকে গভর্নর হাজ্জাজ বিন ইউসুফ ডেকেছেন।” লোকটি উঠে হাজ্জাজের নিকট এসে উপস্থিত হলো, হাজ্জাজ তাকে বললো: “আমার সাথে খাবার খাও।” সে বললো: “আমি যে আপনার চাইতেও শ্রেষ্ঠ দানশীল ও দয়ালুর দাওয়াত কবুল করে নিয়েছি।” হাজ্জাজ জিজ্ঞাসা করলো: “সে কোন দয়ালু”? উত্তর দিলো: “তিনি হলেন প্রিয় আল্লাহ্। তিনি আমাকে রোযা রাখার জন্য দাওয়াত দিয়েছেন আর আমিও কবুল করে নিয়েছি।” হাজ্জাজ বললো: “এমন প্রচন্ড গরমের দিনে রোযা?” উত্তর দিলো: “হ্যাঁ, কিয়ামতের প্রচণ্ড গরম থেকে বাঁচার জন্য।” হাজ্জাজ বললো: “ঠিক আছে, আগামীকাল রোযা রেখো না এবং আমার সাথে খাবার খেয়ো।” লোকটি বললো: “আপনি কি আমাকে আগামী কাল পর্যন্ত বেঁচে থাকার জামানত দিতে পারেন?” হাজ্জাজ বললো: “এ তো আমার ক্ষমতার বাইরে।” গ্রাম্য লোকটি বললো: “আশ্চর্য তো! আপনি আখিরাতের ব্যাপারেও কোনরূপ ক্ষমতা না রাখা সত্ত্বেও এই দুনিয়া পাওয়ার জন্য ব্যস্ত হয়ে রয়েছেন?” হাজ্জাজ বললো: “এ খাবারগুলো খুবই উন্নত।” উত্তর দিলো: “এই খাবার আপনি উন্নত করেননি, বাবুর্চিও করেনি বরং সুস্থতা ও প্রশান্তিদায়ক গুণই এই খাবারকে উন্নত করেছে অর্থাৎ কোন রোগীর এগুলো ভাল লাগবে না, কিন্তু সুস্থ ব্যক্তির তো খুবই ভাল লাগে আর

সুস্থতা ও প্রশান্তিদাতা সত্ত্বা একমাত্র রবে কায়নাতেই, কাজেই সেই মহান ও অদ্বিতীয় ক্ষমতার অধিকারী সত্ত্বার দাওয়াতে রোজা রাখাই উচিত।”

(রিফকুল মানাসিক, ২১২ পৃষ্ঠা)

কুছ নেকিয়াঁ কামা লে জলদ আখিরাত বানা লে, কোয়ী নেহি ভরোসা আয় ভাই! জিন্দেগী কা।

(ওয়াসায়িলে বখশিশ, ১৯৫ পৃষ্ঠা)

صَلُّوا عَلَى الْحَبِيبِ! صَلَّى اللَّهُ عَلَى مُحَمَّدٍ

(৭৫) যাদের হজ্জ কবুল হয়নি, তাদের উপরও দয়া হয়ে গেলো

হযরত সায়্যিদুনা আলী ইবনে মুয়াফ্ফাক رَضِيَ اللَّهُ عَنْهُ বলেন: আমি ৫০ বারেরও বেশি হজ্জ করেছি। একটি ছাড়া সবকটির সাওয়াবই আমি হযুর পাক صَلَّى اللَّهُ عَلَيْهِ وَآلِهِ وَسَلَّمَ, চার খলিফা رَضِيَ اللَّهُ عَنْهُمْ এবং আমার পিতা-মাতাকে ইছাল করে দিয়েছি, তখনো একটি হজ্জ বাকি ছিলো (যার ইছালে সাওয়াব তখনো করা হয়নি), আমি আরাফাতের ময়দানে উপস্থিত লোকদেরকে দেখলাম এবং তাদের আওয়াজ শুনে আল্লাহ্ পাকের দরবারে আরয করলাম: “হে আল্লাহ! যদি এসব লোকের মাঝে এমন কোন লোক থাকে যার হজ্জ কবুল হয়নি, তবে আমি আমার এই হজ্জটি তার জন্য ইছাল করে দিলাম।” অতঃপর সেই রাতে আমি যখন মুযদালিফায় ঘুমিয়ে পড়লাম, তাওবা কবুলকারী আল্লাহ্ তায়ালাকে স্বপ্নে দেখলাম। আল্লাহ্ পাক আমাকে ইরশাদ করলেন: “হে আলী ইবনে মুয়াফ্ফাক! তুমি কি আমাকে কিছু উপহার দিতে চাও? আমি আরাফাতে উপস্থিত সকল মানুষ, তাদের সংখ্যার চেয়ে আরো অধিক এবং তাদের চেয়েও দ্বিগুণ মানুষকে ক্ষমা করে দিলাম আর তাদের প্রত্যেকের পরিবার-পরিজন এবং প্রতিবেশীদের পক্ষেও সুপারিশ কবুল করে নিলাম।”

(রওজুর রিয়াহীন, ১২৮ পৃষ্ঠা)

কোয়ী হজ্জ কা সবব আব বানা দেয়, মুঝ কো কাবে কা জলওয়া দেখা দেয়।

দীদে আরাফাত ও দীদে মিনা কি, মেরে মাওলা তু খায়রাত দে দেয়।

(ওয়াসায়িলে বখশিশ, ৬৭৮ পৃষ্ঠা)

صَلُّوا عَلَى الْحَبِيبِ! صَلَّى اللَّهُ عَلَى مُحَمَّدٍ

(৭৬) হজ্জের সফরে উত্তম সফরসঙ্গী

এক ব্যক্তি হযরত সাযিদুনা হাতিমে আছাম رَحْمَةُ اللَّهِ عَلَيْهِ এর নিকট আরয় করলেন: “আমি হজ্জের সফরে যাচ্ছি, এমন কোন সফরসঙ্গী আমাকে দেখিয়ে দিন যাঁর বরকতময় সাহচর্যের ফয়েয নিয়ে আমি আল্লাহ্ পাকের মহান দরবারে উপস্থিত হতে পারি।” তিনি বললেন: “ভাই! আপনি যদি সফরসঙ্গী খুঁজে থাকেন, তবে কোরআন তিলাওয়াতের সঙ্গ নিন আর যদি সাথী খুঁজে থাকেন, তবে ফিরিশতাদেরকে আপনার সাথী বানিয়ে নিন আর যদি বন্ধুর দরকার হয়, তবে আল্লাহ্ পাক হলেন আপনার বন্ধুদেরও অন্তরের মালিক, আর যদি পাথেয় চান, তবে আল্লাহ্ পাকের উপর পূর্ণ আস্থা ও বিশ্বাসই সব চেয়ে বড় পাথেয় এবং তার পর কাবাতুল্লাহ্ শরীফকে আপনার সামনে মনে করে আনন্দের সাথে এর তাওয়াফ করুন।” (বাহরুদ দুহু, ১২৫ পৃষ্ঠা)

আল্লাহ্ পাকের রহমত তাঁদের উপর বর্ষিত হোক এবং তাঁদের সদকায় আমাদের বিনা হিসাবে ক্ষমা হোক। أَمِينٍ بِجَاهِ النَّبِيِّ الْأَمِينِ صَلَّى اللَّهُ عَلَيْهِ وَآلِهِ وَسَلَّمَ

মুজেযা শাক্বল কমর কা হে ‘মদীনা’ চে ই’য়াঁ,
‘মাহ্’ নে শক হো কর লিয়া হে ‘দীন’ কো আগোশ মেঁ।

পংক্তিটির মর্মার্থ: কবি নিজের অভিব্যক্তি প্রকাশ করে এই পঙতিতে খুবই উত্তম কথা বলেছেন যে, মুজেযা স্বরূপ চাঁদ যে দ্বিখন্ডিত হয়ে গিয়েছিলো, আরবি مَدِينَة শব্দটি যেন তার অনাবিল সাক্ষী। যেমন, এই مَدِينَة শব্দটির প্রথম ও শেষ অক্ষরদ্বয়কে অর্থাৎ م ও ه কে একত্র করুন, مه এর অর্থ চাঁদ আর প্রথম ও শেষ অক্ষরের মাঝখানে বিদ্যমান دِين শব্দটি। এর অর্থ দ্বীনে ইসলাম। এভাবে مَدِينَة যেন دِين কে তার আঁচলে ধারণ করে রেখেছে!

صَلُّوا عَلَى الْحَبِيبِ! صَلَّى اللَّهُ عَلَى مُحَمَّدٍ

الْحَمْدُ لِلَّهِ رَبِّ الْعَالَمِينَ وَالسَّلَامُ وَالسَّلَامُ عَلَى سَيِّدِ الْمُرْسَلِينَ لَنْ نَبْعُدَ عَنْهُ بِاللَّهِ مِنَ الشَّيْطَانِ الرَّجِيمِ بِسْمِ اللَّهِ الرَّحْمَنِ الرَّحِيمِ

ঈমানের শাখা

প্রিয় নবী صَلَّى اللهُ عَلَيْهِ وَآلِهِ وَسَلَّمَ ইরশাদ করেন: ঈমানের সত্তরটিরও অধিক শাখা রয়েছে আর লজ্জাশীলতা হলো ঈমানের একটি শাখা।

(মুসলিম, ৪৫ পৃষ্ঠা, হাদীস: ১৫২)



(দা'ওয়াতে ইসলামী)



বাংলাদেশ ইসলামিক সেন্টার



মাদানী সেন্টার

দেখতে থাকুন

মাকতাবাতুল মদীনার বিভিন্ন শাখা

হেড অফিস : গোলপাহাড় মোড়, ও.আর. নিজাম রোড, পাটলাইশ, চট্টগ্রাম। মোবাইল: ০১৭১৪১১২৭২৬

ফত্বাহানে মদীনা জামে মসজিদ, জনপথ মোড়, সায়েদাবাদ, ঢাকা। মোবাইল: ০১৯২০০৭৮৫১৭

কে. এম. ভবন, দ্বিতীয় তলা, ১১ আন্দরকিষ্টা, চট্টগ্রাম। মোবাইল ও বিকাশ নং: ০১৮৪৫৪০০৫৮৯

E-mail: bdmaktabatulmadina26@gmail.com, bdtarajim@gmail.com, Web: www.dawateislami.net